



Sujet 07: Gsesch's au y, OBERWILL SUUBER SY!

Luegsch di mol ume in Oberwil es isch glatt
Findsch käi leeri Bierdose und au käi Zytigsblatt
Dä ganzi Abfall wo uns stört und duet gruuse
Gäbe mir D'Spezi eifach wieder als Wurfmaterial use

Noch em suubere Oberwil chunt jetzt die suuberi Fasnacht
Keini halbe Sache, do wird alles richtg suuber gmacht
Dorum gids do an dr Fasnacht numme no Wasser z'trinke
Und in dr Halle muesch d'Zoggeli abzieh und griegsch Fingge.

Uf äi Wäg verstöhn mir die Oberwiler jo scho
Wo dusse ihre Abfall löhn lo sctoh
Bi dr Gmeini findsch nie e Platz zum di Kaare parke
Und zahlst erscht no 25 Stutz für d'Abfallmarke

Oberwil isch richtig suuber, das isch wirglic so
Kasch gärn cho luege, kasch gärn mol cho
Dr Abfall goht do au nit uf d'Müllhalde, tuet me sich verzelle
Näi, dä fahre si uf Basel und dien en dört in d'Läde stelle

Aber wenn's einte suuber isch, mues s'andere dräggig si
Und nur in Oberwil bisch voll super suuber derbi
Dorum ligt jetzt au näbe em suubere Oberwil
Schmutzig Biel-Bänke und Dräggig-Therwil

Wenn wodsch suuber sy, muesch au könne Abstrich mache
Das isch klar und isch jetzt nit zem Lache
Alli wo nit suuber sin, hän miesse Oberwil verlohn
Dorum muess jetzt au Oberwil ohni Politiker usko

Letschi bin i dur Oberwil, ha Abfall zämme gsuecht
Luter Züg wo niemer me will oder brucht
In dr Nacht han i alles in mi Kaare packt
Und schäll de Therwiler e Bsiechli gmacht

He jo, mir sind voll derby
Au D'Spezi wänn jetzt suuber sy
Drum gän mir Zitrone, Däfel und d'Räppli
Nur no use in Plastig-Seggli

D'Spezi Giftschnägge 2007
www.dspezi.ch